



21489

III Mag. St. Dr. P

Kat. komp.

Wemburki Christoph. Stanisl.

Mysażyński Christophorus

Machowski Jean. Florian.

Biesianowski Stanisł. Jan. Trójcańska

Themidis aurea

PANEG. et VITAE

Polon. Fol.

№ 764

Biblioteka Jagiellońska



stdr0002821

6
T R I P O S

DIVÆ THEMIDIS

AUREUS,

Quatuor Doctoralibus Gemmis

CORONATUS,

Virtuti & Honori,

PERILLVSTRIVM, & ADMOD: REVERENDORVM DOMINORVM,

D. IOANNIS MICHTAROWSKI

Ecclesiæ Cathedralis Vladislauiensis CANONICI, ARCHIDIACONI Crusviciensis;

D. CHRISTOPHORI STANISLAI

D E M B I C K I,

Canonici, & Officialis Sandomiriensis, Præpositi Stobnicensis, S. R. M. Secretarij;

D. CHRISTOPHORI

MYSZCZYNSKI,

*Protonotarij Apostolici, Cantoris Vislicensis, Sandomiriens: Kielcens: Canonici,
Actorum Curia Episcopalis Cracoviensis Notarij;*

D. IOANNIS FLORIANI

MACHOWICZ,

*Philosophiæ Doctoris, Archidiaconi Pilecensis,
Ecclesiæ Collegiatae SS. Omnium Canonici, Præpositi Zarnouecensis;*

D U M

IN ALMA VNIVERSITATE CRACOVIENSI,

A

PERILLVSTRI, & ADMODVM REVERENDO DOMINO,

D. M. SEBASTIANO PISKORSKI,

*I. V. Doctore, & Professore,
Ecclesiæ Collegiatae SS. Omnium Archidiacono,
Canonico Vielunensi, Curato Luboricensi,*

in florentissima Illustrium Hospitum corona,

IVRIS VTRIVSQ; DOCTORES,

ritu Solenni renuntiarentur;

P E R

M. STANISLAVM IOSEPHVM BIEZANOWSKI, *Leopol.*

*In eadem Alma Vniuersitate Cracoviensi,
Philosophiæ Doctorem, Collegam Minorem, Ordinarium Poëseos Professore,
gratulatorio applausu,*

DEDICATUS.

Anno Salutis, 1690. Die 6. Mensis Martij.

TRIPOS DIVÆ THEMIDIS AUREUS.

Non vna Myrias gloriæ,
seculorum quoque non vna Chiliade parta,
Pelasgum nomen, & ingeniorum prodigia,
eòusq; olim extulit;
vt quod Græcia somniâsset, oraculum censeretur.
Prouidi rerum suarum, & semper de se augusta locuti,
produxerunt Græci in immensum maiestatem sapientiæ suæ;
dum sub cortina sapiunt,
& quod Timantis velum fuerat, non reuelant.
Pulcherrima etiam sub commento,
vsq; ad illecebras animorum fingendi gratia,
postquam credulas mentes, dulci lenocinio illaqueasset;
etiam in mari rete posuit;
vt piscaretur tripodem, tam verè aureum;
quàm vera semper Delphi, per Phoebades suas dixere.
Sed quis non desipiat?
cum Argiui, etiam inter somnia, non desipere, sed sapere visi,
inuenerunt nomen perenne,
& eruditæ gloriæ principatum.
Quis apud tridentem Neptuni, aureo tripodi locus?
& tamen cum Helena, Paridem & Trojam,
formosis retibus capit;
locum Delphico postea tripodi dedit;
vt ille Milesiorum retibus caperetur.
O ingeniorum retia! ô laquei dulces!
quàm suaue est per Vos irretiri; vt veteris sapientiæ
ducamur in triumphum;
respondeamusq; ex tripode; qui septem olim Græciæ sapientibus
dono missus, & vsq; ad Apollinem remissus,
etiam nunc inter Solones, & Thaleses Sarmatiæ,
Delphos sapit.

Augu-



Augustale hoc oraculorum, si vis?
Pantheon Iuris Lechicum cogita.

augustinus hic, quia verius Orbi loquitur,
non Phœbas, sed Themis;

cui Regia Iagellonum maiestas,
respondendi ex Iure, & purpuram, & Solium dedit.

Nunquam illa absque tripode aureo;
quia nunquam absq; consilij Aurifodina;
vt magnis ab aureo ævo mentibus, ita & earum coronis
triumphat inexhausta.

Quod si auro inclusa, pulchrius radiant gemmæ;
Tu certè in Polonæ Themidis aureo Senaculo,
gemmarum es prima, & monile dilectum,

Perillustis, & Admodum Reuerende Domine,

D. IOANNES MICHTAROWSKI,
Ecclesiæ Cathedralis Vladislauiensis CANONICE,
Archidiacone Crusuiciensis.

Ab aurea mente Tua, omnia Tibi summa venêre;
quâ enituiti;

hic vbi virtutum, & sapientiæ gazophylacium,
augustum omninò & Regium est;
quia pro aureis mentibus fundatum.

Dotes animi Tui præstantissimas,
iudicij publici Lydius lapis probauit,
& censuit jure eas æstimari posse;
quæ solidæ virtutis & gloriæ, pondus & robur habuêre.

Inter elegantis ingenij Tui culturam,
ad Senacula Iuris, maxima Tibi inclinatio;
totumque Te eò contuleras;

vbi oracula ex Tripode Orbis respondent;
vigiliq; studio, & summa praxi, in amplissimo

Consistorio Cracouiensi id egisti;
vt anima deinceps Consistorij Vladislauiensis fieres,
& ex Magnorum sensu Antistitum responderes.

Diuina illa mens,

STANISLAI olim SARNOVII,

Episcopi Vladislauiensis,

tota DE O immersa, tota zelo Ecclesiæ ardens,

Argum Te Sacri Tribunalis sui fecerat,

fatis utique oculatum;

quia perspicacissimâ mentis acie omnia penetrantem,

ex voto, gustuq; Dicecesis illius;

quæ Areopagum ibi putabat, cum scriberes, vel loquereris,

totaq; ab ore, & calamo Tuo pependit.

Illustrissimi verò, & Reuerendissimi,

D. BONAVENTURÆ de Niedzielsko,

MADALINSKI,

Episcopi Vladislauiensis feliciter moderni,

tota Tibi Gratiarum Sedes, & medulla aperta est;

in quam Te magni consilij, & iudicij æstimatio introduxit.

Tantus Præsul,

& tam æuo nostro, in Columnen Ecclesiæ datus,

sapientissimorum decretorum basim,

in Te experitur haud vnquam nutantem;

quam animi profundè docti posuit firmitudo;

& illa vis intelligentiæ, ac felicitas;

quâ regiminis Ecclesiastici intima comprehendis,

Certârunt proindè in Te honoribus ornando,

magni illi Antistites;

qui pulcherrimum sibi duxêre,

felici ornamentorum prodigalitate in Te ostendisse;

quàm omnis honos meritis Tuis impensus,

parem Te semper, & maiora promeritum inuenerit.

Orti honores Tui,

à Cancellariatu Crusuiciensi,

ad Scholasteriam deindè, & Officialatum Volboriensem progressi,

non prius constitêre;

donec Te Perillustribus & Reuerendissimis,

Ecclesiæ Cathedralis Vladislauiensis,

Præla-

Prælati, & Canonicis,

præcellens Tua insereret virtus;

Archidiaconatu quoq; Crusiciensi aucta;
ut honoris, & Iurisdictionis, spectatissimo nexu emereret.

Hic Tibi

ingens meritorum occasio, & sublime theatrum;

in quo quantum pro Ecclesia DEI egeris,
& quam meditamentis altioribus maiora cogites,
vox publica, & festiua acclamatio loquitur;

quæ Te

ut omnis coronamento gloriæ dignissimum censuit;

ita nunc solenni applausu excipit,

Doctorali Iuris Vtriusque Laureâ
coronatum.

Lubens hic ad alteram,

non ex Erythræi maris liquidis visceribus erutam;
sed ex peruetusto Gryphino sanguine nobilissimam,
venio Gemmam;

ad Te inquam,

Perillustris, & Admodum Reuerende Domine,

D. CHRISTOPHORE STANISLAE
DEMBICKI,

Canonice, & Officialis Sandomiriensis,

Præposite Stobnicensis, S. R. M. Secretarie;

in cuius pretiosum sanguinis, & animi obryzum,
gemmea secula laborarunt.

Sanguis hic Tuus,

Sarmaticæ Regū purpuræ, per Gryphinos inuisceratus;

cui supra octo secula, grandæua lenij maiestas est,
etiam inter coronarum gemmas spectari meruit,

IAXAS Regum Poloniæ filios,

Principesq; Serbiæ, & Pomeraniæ,

in augusta natalium origine non iactans, sed habens.

B

Verum

Verùm id

supra omnes Regalium cunarum purpuras æstimat ;
quod pro aureæ libertatis monili, in Gryphino Stemmata tuo,
excubijs publicis, & tantæ custodiâ gazæ,
& Leo sit, & Aquila.

Gryphem certè

ex volucrum, & animalium principe natura,
componi oportuerat ;
vt maiestatis non oblitus, Regium in libertate animum seruaret ;
qui licet vsq; ad Lechicas, & Pannonicas coronas,
ad Archi Præfuleas, Episcopales, & Principes mitras,
& Senatus purpuram ascenderit ;
supra honores censuit omnes,
aurei in libertate velleris, Argus esse.

Volucris pennis,
non euolauit cum eo ambitio ad sublimia ;
sed mentium celsitudo, sed meritum ingens ;
cui patuere deducta à I A X I C I I S fastigia,
tanto seculorum tractu, vsq; ad summum illud ;
in quo Gryphinos, orbi visendos etiamnùm,
apex virtutis, & gloriæ seruat.

Nôrint secula alios, qui præcessere ;
nos compendia loquimur, & secula in vno ;
sed omnibus deinceps seculis suffecturo,

Illustri olim, & Magnifico Parente Tuo,
MARTINO DEMBICKI,

Succamerario Sandomiriensi.

Omnis hic magni animi,
summæ prudentiæ, augustæ & Heroicæ mentis,
conscia in Gryphe suo, Principum ab alto sanguinis

Maiestas,

sapuit Orbis, & Patriæ bono ;
quod Nobilitatis Principem decuit .
Ad Solium hoc in libertate speciosum,
iuit vt Leo, per calcatas hostium ceruices inuictus ;

sublima-

sublimatusq; est omnium excelso iudicio;
vt Aquila intelligentiæ;
cui sufficit pro immortalitate tota;
quod meritis ingentibus, securus gloriæ triumphet;
quodq; in facie Regni, & inter Ciuium Senacula,
ad animorum stuporem, & senserit, & responderit,
Patriæ Confus ad oracula natus.

Decora eius,
excefferunt omne id, quod de illis cogitamus in summo;
ibi habitura magnitudinis suæ mensuram;
vbi immensum est, quod Ciues Patriæ optimos coronat.
Vicisse ætatem nostram meritorum serie,
dare posteris gustum, & desiderium sui, ac exempla virtutis;
absoluisse omnis gloriæ paradigma in puncto,
hic est eius triumphus maximus;
cui si Maternam in TASZYCIIS, splendidissimi sanguinis claritudinē
sonorasq; per Orbem IORDANORVM tubas,
& quicquid in OCIESCIIS, KOMORNICIIS, GNIEWOŹZIIS, BRZYCHVIS,
Heroas Patriæ, & immortalia sapit,
consanguineo nexu, adiunxeris;
fatis est in Magno Patre, quo deinceps in Filio,
conscia tantæ stirpis, & Orbis de se iudicia excedens;
honorū etiam sine titulis maiestas, Gryphemq; suum in sublimē secuta,
eminentis animi celsitudo triumphet.

Hoc agis magna mente Tua,
tantorum Maiorum, & tanti Parentis soboles,
verè Gryphinis tot seculorum splendoribus digna,
Perillustis, & Admodum Reuerende Domine,
**D. CHRISTOPHORE STANISLAE
D E M B I C K I;**

vt in Te nobis omne decus auitum,
sic repræsentantes;
ceu solus id totum possederis;
quod tanto rerum, & temporum tractu,
ad Te deuolutum;
collectæ diu magnitudinis, capacissimum Te adinuenit.

Decora animi Tui,
literato cultu exquisitè ornata,
singulari prudentiâ, agendi dexteritate,
incredibili morum temperie, & affabilitatis dulcore,
omnium affectus ad se trahentia,
etiam absq; vlllo ore, & calamo panegyrico,
ipsa de Te oracula sunt.

Ecclesiastici spiritus zelum,
sacri regiminis scientiam, illibatæ virtutis exemplar,
in Officialatu Sandomiriensi,
curas felices, & iustitiæ responsa,
& totum id, quod in Te eminet,
illa nonnisi æstimatio Tui comprehendit;

quæ Te

Celsissimis, & Reuerendissimis,
Cracouiensis Ecclesiæ Antistitibus,
ANDRÆ TRZEBICIO,
& IOANNI MALACHOVIO,

ad summa omnia natum, & cuius honorum celsitudinæ,
ex dignitate responsurum,
sublimi de Te iudicio reuelauit.

Non effugis

& Augustam Regalis Solij Maiestatem;

quæ in Te, pupillam interiorem ex altò defigit;
vt splendidissimis æquè Natalibus, prout & virtutibus Tuis,
eam lucis publicæ augem designet;
per quam in orbe Polono specteris,

Lucidissima Ecclesiæ Dei, & Patriæ,
Cynosura.

Nunc verò,

vt pretiosa, in aureo Diuæ Themidis Tripode,
Gemma sis;

potior gemmis omnibus; quia ex sapientiæ pretio veniens,
ambit Te plausu maximo,

& ipsa

& ipsa coronari in Te desiderat,

Doctoralis
in Iure Vtroq; Corona.

Ad hanc Tu quoq; spectas, & accedis,

Tertia Aurei Tripodis Gemma,

etiam nobili ortu pretiosa,

Perillustis, & Admodum Reuerende Domine,

D. CHRISTOPHORE MYSZCZYNSKI

Protonotarie Apostolice, Cantor Visliciensis,

Sandomiriensis, Kielcensis Canonice,

Actorum Curiae Episcopalis Cracouiensis Notarie.

Liliorum Tibi pulchritudo, & candor,

ex florido Stemmata venit;

vtq; pulchrum erat, inter Gentilitia Lilia nasci;

ita pulchrius, animo illibato decorem natuum circumferre.

Duxerunt Te florida Maiorum vestigia,

ad coronam virtutis, & gloriae;

sed generosae menti Tuae, stimulis antiquioribus non erat opus;

cum praesto haberes,

recentissimi decoris in Domo Domini, sat illustre exemplar,

inter gemmas Ecclesiae Cathedralis Cracouiensis refulgens;

quod consanguineo gradu sequeris;

cum sis,

Perillustis, & Reuerendissimi Domini,

D. TOBIÆ ZABOKLICKI,

Canonici Cracouiensis, ex Sorore Nepos.

Quanquam verò ex tanto, clari sanguinis inuitamento,

illustre quiduis, & decorum, animo Tuo inhaerit;

Acrocorynthus tamen honoris Tui,

& Capitolium istud, quod Te nunc sublimat,

ex meritis potissimum assurrexit;

cui basim firmissimam, pectus sapiens,

& virtutis solidæ, lapis posuit angularis.

Ad ingenij dotes nobilissimas,

curæ vigiles in studio Iuridico eum accessissent;

C

introdu-

introduxerunt Te, in Sanctuarium Diuæ Themidis,
vsq; ad cortinam, Delphicâ maiorem, quia sanctiorem;
sub qua tamen, sic latuisse non poteras;
vt non erumperes ex ea, magnis ingenijs visendus;
quorum honorifica de Te iudicia meruisti.

Credita felici calamo Tuo,
non folia Sibyllæ, vel Romana duodecim tabularum arcana;
sed Magnorum Antistitum decreta, & Sacra Tribunalia;
quorum maiestatem hucusq; gloriosè retines,
& responsa fastis immortalibus tradis.
Quid poterat nomini Tuo esse augustius?
quàm ex sacro Trzebiciano Consistorio,
illud Tui pretium, illam tulisse gloriam;

quæ Tibi nunc etiam,
sub Fasciæ Malachovianæ Principe nexu,
non Ecclesiasticas tantùm nectit coronas;
sed etiam Doctores;

vt cum Te,
lilijs iam auitum generis decus;
Roma Protonotariatu Apostolico,
Ecclesia tot honorificis Prælaturis
pulcherrimè exornauerit;

Diua quoq; Themis Polona,
omnes in Te dotes, virtutes, & gratias,
honore Doctorali, ceu gemmâ consignet.

Spectatissimus quoq; in ea cernitur,
nominis Tui splendor, & gemmeus animi nitor,
gemmarum in aureo Tripode coronis,

Perillustis, & Admodum Reuerende Domine,

D. IOANNES FLORIANE
MACHOWICZ,

Philosophiæ Doctor, Archidiacone Pilecensis,
Ecclesiæ Collegiatæ SS. Omnium Canonice, Præposite Zarnoueceñ.

Genuina Tibi indoles eius Matris;
præter quam in partu, & cultu literato, aliam non sensisti,
annosam

annosam quidem, sed non effatam :
quinimò filijs, sicut nouellis oliuarum, in circuitu senij sui abundantē,
Vniuersitatem nimirum Cracouiensem.

Hæc Tibi dux ad bonas literas,
hæc ad virtutem via, ad præmia stimulus ;
pro quibus satis athleticè sudasti,
vsq; ad geminas in Philosophia coronas,
ingenio eleganti, studio indefesso,
constantia laboris, & animi modestia pari.
Ad Iurisprudentiæ præcipuum amorem,
grande Tibi incitamentum.

Perillustis olim, & Reuerendissimus,

ANDREAS GRABIANOWSKI,

Canonicus Cracouiensis,
oraculum æui nostri, & Iuris aurea lampas ;
ex cuius luce domestica,
cum eximia nominis claritudine, in lucis publicæ faciem prodijisti,
præclari sanguinis eius institutione, vel ideò felix ;
quòd ex hac insigni meritorum occasione,
sublimioris de Te existimationis gratiam, & felicitatem sis consecutus.
Auxere eam mox, & Ecclesiastici honores,
ornamento virtutis, incremento gloriæ ;
cùm post Canonicatus Ecclesiæ Collegiatæ SS. Omnium,
inter magni nominis Prælatos, & Canonicos,
ac Præposituræ Zarnouecensis, collatam Tibi dignitatem ;
etiam Archidiaconatus Pilecensis,
officium Te satis insigne decorauit.

Placuerat in Te,

Illustrissimo sanguini WARSZYCIANO,
rerum Diuinarum amor, cura & vigilantia Pastoralis,
plena optimi exempli authoritas ;

quæ effecit ;

vt decora Tua, tantò illustrius in Ecclesia Pilecensi radiarent ;

in qua tantæ Domûs pietas,

ex auitis, Magnorum Principum splendoribus, coruscat.

Quodsi Virum ostendit Magistratus ;

certè Archidiaconum Te, functio sat præclara,
dignum ostendit;
vt aureus Ecclesiasticæ disciplinæ, & Iurisdictionis Tripas,
tot meritis, & gratijs auctus,
sapientiæ Tuæ decus, vsq; ad Doctorale Iuris fastigium eueheret.

In hoc ergò iam,
cùm Ecclesiæ, Orbis Poloni, & Areopagi Iuridici,
tota in Vos facies conuersa,
lætitiæ publicæ pro Oraculo sit:
Panegyris Vestra desinat;
satis perorante pro Vobis Tripode aureo;
in quo tota Panegyris Vestra,
ex sapientiæ oraculo decretus,

Honos est Doctoralis.

Floreat hic in Vobis,
& illustri Quaternione suo, secula vincat,
benedicente illi,

assistrice sedium Diuinarum,

Æterna Sapientiâ;

cuius opus est,

Ciuitas in quadro posita,

tota aurum mundum, tota ex lapidibus pretiosis;

ex quorum numero,

satis gemmei, satis eritis lapides pretiosi,

satis etiam perennes;

quia in solido quadrato positi,

nimirum

QUATUOR CORONATI.



and

s,

eret.

and

and

s.

2

